

Founga hono ngāue'aki 'a e Me'asivi Vave ki he Vailasí

'E ala lava ke kehekehe 'a e ngaahi fakahinohino ki he sivi 'o makatu'unga 'i hono fa'ahinga kalasi (brand). Ko e lahi taha 'o e ngaahi me'asivi vave ki he vailasí 'oku nau muimui ki he ngaahi fakahinohino 'oku hā atu 'i laló, ka 'oku 'ikai kau kotoa ki ai. Kātaki 'o muimui ki he ngaahi fakahinohino 'a e kautaha na'a nau fa'u 'a e me'asivi.

Tānaki 'o ha me'a ke fakahoko hono sivi'i



1 To'o ha me'a ke milihí 'aki 'a e loto'i ihú (nasal swab) mei hono tuku'angá.



2 Fakahū 'a e me'a milihí ki he loto'i ihu 'e taha 'o a'u ki he senitimita 'e 2-3 mei he mu'a ihú.



3 Vilohi māmālie 'a e me'a milihí 'i he loto'i ihú 'o tu'o 5. Ngāue'aki pē 'a e me'a milihí ihu tatau, to e fakahoko 'a e me'a tatau ki he loto'i ihu 'e tahá.



4 Vakai ki he ngaahi fakahinohino 'i he puha 'oku fa'o ai ke fakapapau'i 'a e taimi totonu ke siofi ai 'a e ola 'o ho sivi. 'E lava ke kehekehe 'eni 'o makatu'unga 'i he fa'ahinga 'o e me'asivi.

Sivi'i 'o e me'a kuo milihí



5 Fohi'i 'o to'o 'a e tāpuni foila aluminiume mei he kongá ki 'olunga 'o e kii' fo'i hina tuku'angá (extraction vial), 'a ia 'oku tauhi malu ai 'a e me'a milihí.




6 Fakahū 'a e me'a milihí ihú ki loto 'i he fo'i hina tuku'angá. Vilohi takatakai mālohi 'a e me'a milihí ihú 'o 'oua 'e to e si'i hifo 'i he tu'o 5.




7 To'o ki tu'a 'a e me'a milihí ihú 'aki hano vilohi mo lomi'i ki he holisi 'o e loto'i hina tuku'angá, ke fakamaha 'a e huhu'á mei he me'a milihí ihú.



8 Tāpuni'i 'a e hina tuku'angá 'aki 'a e 'umosi kuo 'oatú pea lomi'i ke ne mātu'aki tāpuni malu 'a e hina tuku'angá. Hu'i lelei ia 'aki hano lulu'i 'a e kongá ki lalo 'o e hina tuku'angá.



9 Fulhi ke hanga ki lalo 'a e ngutu 'o e hina tuku'angá pea puke ke fakahokohoko lelei 'a e ngaahi me'a kuo heu'i mei ho ihú. Ki'i kuku'i ma'ama'a 'a e hina tuku'angá. Faka'atā ke fakato'i hifo 'o fakatatau ki he ngaahi fakahinohino 'i he me'a ngāue, ke tō lelei hifo ki he me'a kuo milihí māi.



10 Kātaki 'o vakai ki he ngaahi fakahinohino 'i he me'a ngāue pea muimui ki he taimi kuo fakapapau'i ke vakai'i ai 'a e ola 'o ho'o sivi.

Siofi 'a e ola 'o ho'o sivi


Hao me'i he vailasí

Ko e fo'i laine 'e taha 'oku tu'u 'i he tafa'aki 'o e mata'itohi C 'oku hā mei ai ko e ola 'o e sivi 'oku hao mei he vailasí (negative).




Ma'u 'a e vailasí

Ko e fo'i laine 'e ua, taha 'oku tu'u 'i he tafa'aki 'o e mata'itohi C mo e taha 'i he tafa'aki 'o e mata'itohi T, 'oku hā mai ai ko e ola 'o e sivi 'oku ma'u 'a e vailasí (positive).



Ola 'oku 'ikai tonu (Invalid)

Ko e 'ikai ha laine 'oku tu'u 'i he tafa'aki 'o e mata'itohi C 'oku hā mai ai 'oku 'ikai tonu 'a e ola 'o e sivi.



Lipooti 'o e ngaahi ola 'o ho sivi

'Oku fiema'u ke ke lipooti ho'o olá. 'Oku lava ke 'ai eni 'i he 'Eku Lekooti Koviti (My Covid Record).

Hū ki he mycovidrecord.health.nz pe telefoni ki he 0800 222 478 pea lomi'i e founga ke fili mei ai hono 3.

Kapau 'oku ke kau ki he Founga ki he Feohi Vāofi kuo Faka'ataá (Close Contact Exemption Scheme), kuo pau ke ke fakahā atu 'a e ola 'o ho sivi ki ho'o ngāue'angá.

